

新脩麻陽縣志 第 函

新脩麻陽縣志

卷一

新脩麻陽縣志卷之二

建置志

城池塘舖

壇廟附各廟

驛站倉儲

公署

附廢署及各廨

王者設官分職務圖治而宅中度地居民先辨方以
正位由是司空制邑仲秋營城百堵興庶事舉焉麻
邑遠荒南服雄楚西隄開邊肇自唐時隸版圖而入
貢置縣沿於宋代卜錦水以營遷城池則築鑿高深
治署則規模廓大廟壇整肅祀典煌煌寺觀崇隆神
威赫赫凡所爲揆文奮武慈幼恤貧者罔不次第聿
脩經營盡善也况我

朝興廢舉墜酌古準今因革適宜規爲咸備雖在窮陬
僻壤考工循經制之常卽茲草故鼎新按紀可分條
而覽

城池

邑自明洪武初築土城景泰六年毀於苗基僅存成
化時都御史吳琛奏行知府易貴都指揮鐵堅因舊
基築城宏治時知縣程良能展包縣治增建東西二
門正德時兵備副使徐潭委通判周參督知縣張煥
等脩築磚城其門四周圍共計四百四十一丈脩串
屋四百八十一間東南臨河無池北池闊六尺深三
尺嘉靖間苗叛知縣朱瓚開北門上建與存樓萬歷
時知縣蔡心一建兵馬司招兵防禦崇禎間知縣程

國祚脩治增雉堞三尺後漸圯

國朝康熙二十五年知縣黃志璋重脩用石板平蓋築以垛口不用串樓以圖永固四門各建鼓樓一座迨後春雨綿驟衝缺將半三十一年知縣陳輝璧委典史呂文龍督脩頗稱完備雍正三年知縣丁育果重脩改南門於舊址七年東門城樓火知縣趙宏儀捐建鼓樓一座乾隆七年署知縣宮受祿委典史施敬脩脩理城始盡用石女牆盡用火磚但城身過卑舉足可踰女牆垛口亦多傾圯嘉慶二年知縣閻廣居

請公項於城外西山就三峯各造礮樓一座又以城西當苗衝勸諭居民合力築土牆一道自東至西綿長三百六十五丈高一丈厚二尺五寸跨山越河包裏礮樓捍禦城垣就小路造石卡門二座俱於二年八月次第完竣

麻邑城池自乾隆七年補脩歲久傾圯實甚歷任合尹屢欲興脩以功巨費繁艱於籌辦不果舉行同治乙丑縣令吳兆熙來宰斯邑時鄰氛未靖敗堞頽垣莫資守衛因於城外環山築堡依閭公舊址更爲擴

充甫告成黔苗適至憑此以守賊不敢犯城賴以全
旋復籌費補脩城垣並砌土成堞爲捍衛計蓋以經
費萬難重新脩建力固不逮而心常歉然也吳令尹
奉調入

覲署事姜鍾琇履任閱城欲繼其志且勇於爲遂集紳耆
諭以城垣生靈所關前尹雖去不久卽歸黔匪出沒
靡常此工宜亟圖之爰鳩工採石仍舊建脩增設垛
口外磚內石堅實崇閼駸駸乎金城湯池可漸觀焉
惜工大費絀年餘脩不及半而用莫能支姜去吳北

旋之任復設法籌費濟工接續督辦又年餘始克觀
成斯役也起自己巳春月至辛未冬月時閱三載而
功始竣所費幾二萬計然非吳令尹之誠無以導其
先而竟其業亦非姜令尹之力無以肩其任而圖其
難地方於以長資保障微兩令尹之功不及此

周陽縣志卷之二

周陽縣志卷之二

周陽縣志卷之二

周陽縣志卷之二

周陽縣志卷之二

壇廟

社稷壇在城外西郊壇制累石爲之北向縱橫各二丈五尺高三尺四出陞各三級繚以周垣門四向圍五百十五步旁設神庫神厨宰牲房洗牲池齋房瘞坎石主一高二尺五寸方一尺埋於壇南又置木主二高三尺三寸曰縣社之神縣稷之神歲春秋仲月上戊日致祭

按古祀棄以爲稷共工以爲社蓋配社配稷也今惟京師太社社稷有配位府州

縣皆無

雲雨風雷及山川城隍神壇在西城外壇制縱橫二丈

五尺崇二尺五寸南向四出陞各三級門垣庫廚房
池諸制並視社稷壇而不用石主置木主三中雲雨
風雷之神左境內山川之神右城隍之神歲春秋仲
月上巳日致祭按漢唐宋風雷雨神分壇以祭未嘗
及雲明洪武二年詔風雲雷雨合爲
一壇六年又以山川共爲一
壇後又以城隍共祭一壇

先農壇在西城外壇制高二尺一寸寬二丈五尺壇之
正北中一室奉先農神牌牌高二尺四寸寬六寸東
房儲祭器農具西房儲耜田穀米配房東西各一東
辦祭器西居佃農外繚以垣門南向前爲耜田制四

畝九分歲仲春亥日以少牢致祭禮畢更朝服耕藉
田知縣秉耒佐貳執青箱播種耆老一人牽牛農夫
二人扶犁九推九反農夫終畝耕畢知縣各官更著
朝衣率耆老農夫望

闕行禮農具赤色牛黑色箱青色籽種以土之所宜

常雩不別爲壇乾隆七年

詔有司歲於四月十八日即先農壇行禮所祭即山川社

稷先農之神也

雍正十一年令有司歲以十二月上
戊日於先農壇致祭八蜡之神乾隆

十年奉
文停止

邑厲壇在城外北郊壇制高三尺五寸周二十五步繚垣凡五十五步南爲壇門每歲清明中元十月朔致祭先期牒告城隍祭之日迎神於壇主之

文廟在縣西街建自宋慶元中歷元而明迭經脩葺明崇禎癸酉災甲戌知縣馮志京重建我

朝順治庚寅燬於兵僅存正殿乙未改建同天寺左康熙三年甲辰知縣陳五典遷建舊址北向旋遭吳逆火燼十九年知縣黃志璋倡捐次第修建二十九年知縣王時泰補脩櫺星門東西兩廡三十二年知縣

陳輝壁補脩後殿明倫堂雍正三年知縣丁育果展

拓基址脩建重新

舊志

按廟向前係坐南向北道光八年知縣胡鑑教諭

朱朝獻以我

朝學宮用王者禮制定向南此甚不合論邑紳輸金

仍舊址從新改建迄今卅餘載棟宇牆垣多不完

整亟待重脩

關帝廟在東城外明嘉靖知縣朱瓚建萬曆十一年知

縣蔡心一改建南城外後因水患三十二年知縣桂

如登仍遷舊址我

朝康熙三十四年知縣黃志璋重修二十九年知縣王
時泰展拓舊基前後殿宇垣牆增脩完整新塑

聖像奉祀焉三十三年知縣陳輝壁增建戲樓一座廂
房二間乾隆十一年知縣秦周重脩廟門道光十二
年知縣周樂清又復補脩同治七年廟門牆垣多敝
裂知縣吳兆熙籌費脩補

文昌宮在西城儒學署前

創建年代不可考

道光十八年知縣

胡禮箴教諭朱朝獻倡捐重脩歲久將圯亟待補脩

一名宦祠在大成門左

鄉賢祠在大成門右

忠義孝弟祠在錦江書院左

烈女節婦祠在錦江書院右

懷忠祠在學署左祀前明知縣朱公瓚

事蹟詳名宦

明萬歷

七年知縣余夢呂以狀詳上奏行建祠奉祀十二年

知縣蔡心一營建城南歲久圯廢我

朝嘉慶中改建今所屢經補脩尙稱完整

四節祠在錦水東岸明萬歷九年知縣余夢呂建合祀